

SAN BLAS EGITARAUA 2026



SAN BLAS EGITARAUA

URTARRILAK 30

18:00 Umeentzako diskofesta eta pintxopotea Elkartasun lonjan.

19:00 Antzerkia Txanporta Kultur Etxean: Euskaldungak. Sarrerak 3 euroan eskuratu daitezke Errota Kultur Etxean eta Udal Mediatekan.

21:00 Bertso afaria Gaztañodi elkarteak: Nerea Ibarzabal eta Maialen Lujanbio.
Txartelak salgai Petite liburu denda eta Lagun Toki tabernan.

URTARRILAK 31

14:30 Bazkari herrikoia (maleta siku) frontoian.

18:00 Abadiño IV. Esku Pilota Txapelketa Herrikoiko finalak.

21:00 Kontzertua txosnagunean
Fito Skins
Aiama
Ganibet

22:30 Kontzertua Elkartasun lonjan
Dj Kool
Dj Kuku + Dj Kene

01:00 Gaztetxean
Xirimiri.mj

OTSAILAK 1

17:00 Ikuskizuna frontoian: 'Welcome & Sorry' (Ganso & Cia taldea).

OTSAILAK 2

17:00 Mus txapelketa frontoian.

19:00 'Kandeleridxo' abestia herrian zehar

OTSAILAK 3

Goiz osoan, zaldiak moztu eta ferratzeko erakustaldia ganaduaren gunean.

10:00 Txistularien kalejira Txanbolin taldeagaz.

10:30-13:45 Gazta dastatze komentatua azokan.

11:00-12:15 Euskal ardi txakurren erakustaldia ganaduaren gunean.

12:00 Bertsolariak Ferialeku plazan.

Txaber Altube, Garikoitz Sarriugarte eta Bittor Altube.

12:00 Herri kirolak probalekuan.

Aizkolariak · Abadiño IV. San Blas kopa: Iker Vicente, Mikel Larrañaga, Julen Alberdi 'Txikia IV.a', Hodei Ezpeleta 'Bihurri', Oihana Fernandez de Barrena, Uxue Ansorregi eta Irati Astondoa. Harrijasotzailea: Izadi Agirre.

17:00 Erromeria Ferialeku plazan.

Muxutruk

17:00 Kontzertua Elkartasun lonjan.
Dj Bull

18:00 Zaldi probak

Gaztetxean

19:30 - 22:00 *DJ Txola Ta Potxola*

22:00 - 00:30 *DJ Oto*

00:30 - 03:00 *Alloxelets.mj*

21:00 Kontzertua txosnagunean
Dj Reimy

OTSAILAK 5

18:00 Jakoba Errekondoren hitzaldi-solasaldia Txanporta Kultur Etxean.

Gonbidapenak Errota Kultur Etxean eta Udal Mediatekan, otsailaren 4ra arte (gehienez lau gonbidapen pertsonako).

OTSAILAK 6

17:30 Abadiño IV. Inauterien aurkezpena Txanporta Kultur Etxean: Anbotoko Damie eta Kokomarro.

OTSAILAK 7

09:00 XXXVI. Burduntziko Bildots Txapelketa.

14:00 Bildots bazkaria probalekuan.



Abadiño San Blas azoka
Azoka 130 produktorek eta 110 abelburuk osatuko dute.
Zelaieta, 09:00etatik 14:00etara



OLIO ALDAKETA
PNEUMATIKOAK
marka guztiak
BALAZTA-PASTILLAK
MOTELGAILUAK

Urribarte Industriegunea, 6 MATIENA-ABADIÑO
Tel.: 946 232 520
@neumaticosetxebarria



→ euskal
markak hazten
diren lurra

www.sorland.eus · info@sorland.eus

sorland

Kaixo Abadiño!

Badator San Blas! Ondo pasa jaietan!



"San Blas saltzeko azoka da; jendea erostera joaten da"

JOSEBA SOLOZABAL ETA ENERITZ LAPAZARAN ORBEGOIKOA OKINAK

Solozabalek eta Lapazaranek iazko estreinaldiko arrakasta errepikatu gura dute aurten. Hainbat motatako ogiak eta palmerak, sanblasak eta euskal pastelak salduko dituzte

Joseba derteano ELORRIO

Iaz estreinakoz ipini zuten postua. Aurten ilusio berdinagaz bueltatuko dira. Bikotearentzat feria hau ez da saltzeko lekua bakarrik, erakustoki ezin hobea ere bada.

Iaz izan zenuten lehenengo esperientzia San Blas azokan. Zelan bizi izan zenuten?

Joseba Solozabal: Egia esanda, oso ondo. Askok saldu genuen, eta bizkor gainera. San Blas azoka oso ona da saltzeko. Beldur apur batez joan ginen, postu asko egoten delako, baina jende asko ibiltzen da. San Blas azoka handia da, eta, gainera, jendea erostera joaten da. Generoa eraman eta saldu



Joseba Solozabal eta Eneritz Lapazaran, seme-alabekin.

egiten da eta hori garrantzitsua da.

Aurten zein itxaropenagaz zoazte?

J.S.: Apur bat beldurrez egon gara behi eta idien kontuagaz. Idi probarik ere ez da egongo. Hala ere, zaldiak eta behorrak egongo dira, baita ardi txakurren txapelketa berri bat ere. Eguraldiak laguntzen badu, jendea joatera animatuko dela esango nuke. San Blas San Blas da, eta beste ekintza batzuk egongo direnez, jendea etorriko da.

Zer eskainiko duzue?

Eneritz Lapazaran: Hiru-lau ogi mota eramango ditugu. Horrez gainera, gure espezialitateetako bat diren palmerak egongo dira: hostorezkoak eta txokolatezkoak. Iaz oso ondo saldu genituen. Jakina, sanblasak ere izango ditugu, eta euskal pastela ere bai. Kantitateari dagokionez, ezin dugu askoz gehiago eraman; azken finean, lagun bi gara eta obra-dore txiki bat daukagu. Ahal duguna saltzen dugu eta horregaz pozik gaude.

Azoka baliagarria da bezero berriak egiteko?

E.L.: Bai. Guk etxean bertan

saltzen dugu apur bat, baina gehiena denda txikietan banatzen dugu. Orduan, beti ez dugu jakiten nork erosten duen gure ogia. Azoka erakustoki ona da: aurpegia ipintzen diezu bezeroei, eta jende berriak ere ezagutzen zaitu. Durangaldean, norbera ezagutzera emateko eta proba berriak egiteko ere balio du. Ez da bakarrik saltzea; zure izena eta produktuak erakustea ere garrantzitsua da.

Zelan doa zuen negozioa? Pozik zaudete?

J.S.: Pozik gabilta. Gurea ez da enpresa handi bat, familiako negozio txiki bat baino, pertsona biren artean daramaguna. Baserrirako diru iturri bat da, azken batean. Durangaldeko hainbat denda txikitan saltzen dugu, Atxondon, Elorrian, Abadiñon eta Durangon. Elgetan ere saltzen dugu. Jendeak harrera ona egin digu eta pozik gaude. Gazteei esan gura diet baserrian badagola etorkizuna lan egin gura duenarentzat. Ideia bat eta lanerako borondatea badituzte, probatzera animatzen ditut. Jendeak baloratzen duen lana da, eta saltzen da.

SERRATU S.L.
Ondo para San Blasetan!
Galdaragintza eta itxierak
Enpresetan mantentze-lanak
Astola, 48 ABADIÑO - Tel.: 946 201 837
serratu@serratu.com - www.serratu.com

**APAINGARRI
ETA INDUSTRIALA**

**FATXADETA KO
PROIEKTU BEREZIAK**
**ERA GUZTIAKO
BARNE ETA KANPOKO
DEKORAZIOAK**
Sagasta auzoa - Arbe Goikoa
ABADIÑO
Tel.: 629 143 944

**Talleres
Serafín**
S. Coop

Elorriagazar, 11
MATIENA-ABADIÑO
Tel.: 946 814 807

OSORO
FISIOTERAPIA
Andra Mari Kalea, 3
688 78 69 36

**MURUETA
BASERRIA**
NEKAZALTURISMOA
Murueta, 4 ABADIÑO
Tel.: 658 747 471

ZAINDU HAGIN KLINIKA
Odontologia orokorra eta espezialitateak
Urmeentzako odontologia • Ortodontia (P.A.D.I. programa)
Implanteak • Periodontia • Aho-estetika • Protesiak • etab.
Mari Tere Zamalloa Juaristi
Periodontian espezializaturia • Col.1005
Ferialeku, 1 • Abadiño
Tel.: 94 465 73 42



Edurne Maguregi eta Mikel Urrutia.

Abadiño prest nobedadez jositako San Blas eguna hartzeko

Nobedaren artean, Aizkolarien I. San Blas Kopa, ardi txakurren erakustaldia eta Euskal Herriko gazta desberdinen dastatzea daude, besteak beste. Aurten ere autobus zerbitzua egongo da Traña-Matienatik Zelaletara, azoka gunera bertaratzeko

Maialen Zuazubiskar ABADIÑO

Badator otsailaren 3a, eta, horregaz batera, Bizkaiko eta Euskadiko azoka erreferentetarikoa bat den San Blas feria. Behien artean zabalduetako dermatosi nodular kutsakorra ez hedatzeko Jaurlaritzak ezarritako debekuak bete-betean eragingo dio Abadiñoko azokari, ez baita ez behirik ez idirik egongo. Baina Abadiñoko Udalak jakinarazi du buru-belarri lan egin dutela horrek azokan "ahalik eta eraginik txikiena" izateko. "Lanketa berezia egin dugu, eskaintza erakargarria izateko. Egitarau zabala antolatu dugu, hainbat nobedadegaz", esan du Mikel Urrutia Abadiñoko alkateak.

Zenbait nobedade izango den arren, San Blas eguneko protagonista nagusia eta bihotza azoka bera izaten da, eta izango da; bertan, 130 ekoizle eta 110 abelburu batuko dira. Urtero legez, trinket inguruan nekazaritzako produktuak egongo dira, Ferialekuan artisautzakoak, eta Gaztañodien makinaria, besteak beste.

Jaurlaritzako debekuak gaudu azokan izango du eraginik handiena. Aurten zaldiak, ardiak eta astoak egongo dira, besteak beste. Baita zaldi arabiarak eta angloarabiarak ere. "Gainera, Abadiñora bertaratzen direnek zaldi bat zelan perratzen den ikusteko aukera izango dute", azaldu du Edurne Maguregi alkateordeak.

Dastatzea eta erakusketa

Aurten hainbat nobedade egongo da azokan. Alde batetik, Euskal Herriko gazta desberdinen dastatzea egongo da. Hiru saio egongo dira: 10:30ean, 12:00etan eta 13:00etan. Dastatzeetarako, aurrez izena eman beharko da.

Bestetik, ardi txakur erakusketa egongo da. 11:00etan hasiko da, jubilatuen tabernaren aurreko landan. Bertan, Carlos Ardanazak, Kepa Ardanazak, Aitor Urienek, Jose Miguel Etxebarriak eta Jose Angel Azkorbebeitiak parte hartuko dute.

Probalekuko zitak

Azoka guneari gainera, probalekua ere gune inportante bilakatzeko da otsailaren 3an. Hemen

Luzia
hitzorduekin
610 28 76 32

Masajeak
Osteopatia
Kinesioologia
Kranio-sakral
biodinamika

Artoluzabal kalea, 6 - Abadiño

ENGLISH CORNER
Abadiño

- CAMBRIDGE AZTERKETEN PRESTAKETA**
FIRST (B1)
ADVANCED (C1)
PROFICIENCY (C2)
BUSINESS ENGLISH
ZIURTAGIRIAK (BEC)
- HEO AZTERKETEN PRESTAKETA**
- KLASEAK ENPRESETAN:**
OROKORRA & BUSINESS ENGLISH
- ESKOLA ERREFORTZUA**

SOLOKOA, 4 - 661 048 674
englishcornerabadiño@gmail.com

GISASOLA PENTSUAK
EKOGARDEN
FLORES - PIENSO - HERBIA

GISASOLA PENTSUAK
EKOGARDEN
LORAK - PENTSUAK - BARATZA
TRAÑA - MATIENA - ABADIÑO - BIZKAIA
TEL: 94-681-66-87
C/ ZUBIBITARTE 14
E-mail: gisasola.p@gmail.com

BASQUE COUNTRY .BIKE

Iturritxo kalea, 3
ABADIÑO
Tel: 688 69 08 15
www.basquecountry.bike
info@basquecountry.bike

f i

DIBA
KOOPERATIBA

Durangaldeko
Baserritarren
Elkartea

Murueta, 6 ABADIÑO - Tel.: 94 681 87 92

ABADIÑOKO BATZOKIA

Ondo pasa
San Blas jaietan!

Ferialeku plaza, 3

eaj pnv
ABADIÑO

ere hainbat nobedade egongo da. 12:00etan, esaterako, Aizkolarien I. San Blas Kopajokatuko da. Bertan, Euskal Herriko puntako aizkolariak batuko dira: Iker Vicente, Mikel Larrañaga, Julen Alberdi Txikia IV.a, Hodei Ezpeleta 'Bihurri', Oihana Fernandez de Barrena, Uxue Anso-rregi eta Irati Astondoa. Horrez gainera, harri jasotze erakus-taldia ere egongo da. Bertan, Izadi Agirre abadiñarrak parte hartuko du.

Arratsaldean, zaldi probek idi probei hartuko diete lekukoa. Zaldi bi lehiatuko dira Abadiño-ko probalekuan, 18:00etan.

Autobus zerbitzua

"Herritarrei eta inguruko herrie-tako jendeari bertaratzeko deia egiten diegu, giro ederra egongo da eta", esan du Maguregik. Azken urteetan legez, autobus zerbitzua egongo da Zelaietara bertaratzeko. Autobus bi joan-etorrian ibiliko dira Traña-Matienatik Zelaietara, 09:00etatik 16:00etara bitartean.

Egitarau zabala

San Blas jaiak ez dira otsailaren 3ra bakarrik mugatzen, eta aba-

diñarrek egitarau zabala anto-latu dute. "Jai hauen antolakun-tzan ibili diren norbanako, eragile eta udal langile guztiei eskerrak eman gura dizkiegu, horrelako egitarau zabala anto-latzearren", adierazi du Mikel Urrutia alkateak.

Gaur emango diete hasiera jaiei, urtarrilak 30, umeentzako diskofestagaz, antzerki saioagaz eta bertso afariagaz. Urtarrila-ren 31n bazkari herrikoia egon-go da frontoian, eta esku pilota txapelketa herrikoiko finalak. Gauean Fito Skins, AiAma eta Ganibet taldeak arituko dira txosnagunean, eta DJ Kool, DJ Kuku eta DJ Kene elkartasun lonjan.

Otsailaren 1ean eta 2an *Welcome & Sorry* ikuskizuna eta mus txapelketa egongo dira, hurrenez hurren. Otsailaren 5ean hitzaldi-solasaldia egongo da Jakoba Errekondogaz, eta otsailaren 6an Abadiño Inau-terien aurkezpena egingo dute. Urtero legez, Burduntziko Bil-dots Txapelketagaz emango diete amaiera jaiei, otsailaren 7an. Probalekuan egingo dute bildots jana.



Panarrako kideak iazko azokan.



Behiak San Blas ferian.



Etxez etxeko okela salmenta astero

618 439 054 Ibon Lasuen | 620 321 184 Esther Ugaldea

MIKEL HARATEGIA

Eskolakua, 2 Tel: 946 815 452
48220 ABADIÑO



ORDUTEGIA

Astearte eta ostegunetan:
08:30 - 13:00 eta 17:00 - 19:00
Asteazken, ostiral
eta larunbatetan:
08:30 - 13:30

Elur Arraindegia
Zeletabe, 19 Abadiño
T. 649 597 187



- Geure hondakindegia dugu.
- Harrobielako materialen banaketa.
- Obra-hondakinak eta industriako hondakinak kentzen ditugu.
- Industriako eta obretako hondakin inerteen kudeaketa.

Astola auzoa, 68 • 48220 ABADIÑO
Tel.: 646 247 350 / 946 814 107 • info@contenedoreserlia.com



LASUEN

ERAIKUNTZA · OBRA ZIBILA · ZABORTEGIAK



CONSTRUCCIONES LASUEN

Astola auzoa 68
48220 Abadiño, Bizkaia
Tel.: 946 81 40 36
clasuen@lasuen.com
www.construccioneslasuen.com





Eibarko Krabelin lagun taldea, 2017an, Durangon, Abadiñoako sanblasetan egon eta gero. Julian Etxeberria eskumatik hasita bigarrena da. KRABELIN TALDEA

Eibartik sanblasetara berriro oinez etortzeko prest daude

Eibarko Krabelin lagun taldeak 20 urte beteko ditu urtero-urtero Eibartik Abadiñoako San Blas egunera oinez etortzen. Mendizaletasuna dute pasio, eta atsegin handiz bizi dituzte sanblasak, bai Abadiñon bai euren jaioterrian. Feria bisitatuta, Durangon bazkalduko dute

Ekaitz Herrera ABADIÑO

Eibartarrak dira. Udalerrri horretako Deportibo klubeko kideak gehienak, eta jubilatuen den-denak. Eta aurten ere prest daude otsailaren 3an Eibartik Abadiñoako feriara oinez etortzeko. "Hogeit bat urte daramatzagu joaten", azaldu du Julian Etxeberria lagun taldeko kideak. "2006 bueltan hasi ginen, guta-

riko batek 'Zergaitik ez gara Eibartik Abadiñoako sanblasetara oinez joaten?' galdetu zue-nean. Izan ere, kuadrillako kide batzuek Abadiño bueltako tailerretan lan egiten zuten, eta behin jubilazioa hartuta auke-ra ederra ikusi genuen lehen egin ezin genuena egiteko: sanblasetako feriaz gozatzeko", esan du eibartarrak.

Hasierako urteetan mendirik mendi egiten zuten Eibartik Abadiñorako bidea. "Baina azken urteetan errepide ondotik egiten dugu: Zaldibar, Berriz, Abadiñoako Lebario auzoa eta Zelaieta", zehaztu du Etxeberriak. Edozelan ere, behin Ferialekura eta Txanportara ailegatuta, argia izaten da kuadrillaren plana: "Hamaiketako egiten

dugu lehenengo: taloa, salda eta txikito pare bat. Gero, feria ikustera joaten gara. Eta Abadiñoako tabernak jendez beterik egoten direnez, Durangora joaten gara, oinez, han bazkaltzera. Azkenik, trenaz bueltatzen gara etxera", argitu du.

Abadiñoako azoka jendetsuaz gainera, Etxeberriak gogorara zi du Eibarren ere tradizio handia dagoela San Blas egunaz gozatzeko. San Blas opila da horren lekuko, gozo horrek Eibar eta Debabarrena eskualdean du jatorria eta. "San Blasen bueltako bazkarietan eta afa-rietan ezin da opilik falta pos-trerako. Ederra da kafesnetan bustita hartzeko!", adierazi du Etxeberriak.

Krabelin taldea

Lagun taldeko kideek mendia dute pasio, eta astero-astero

egiten dute hitzordua handik-he-mendik mendi bueltaren bat egiteko. "Hasieran bi edo hiru batzen ginen, baina urteak igaro ahala jendea jubilatzen hasi zen, eta gaur egun hogeit bat lagun batzen gara irteeretan", azaldu du Etxeberriak. Taldearen izena ere apropos-aproposa dute: Krabelin. Eibar gaineko eta Arrate ondoko mendi mui-noaren omenez. Besteak beste, 2022an Euskal Herriko 200 mendirik ederrenen katalogoa aurkeztu zuten, tontor bakoitzera igotzeko ibilbideak, *track* pistak eta argazkiak zehaztuta.

"LEHEN MENDIRIK MENDI EGITEN GENUEN BIDEA; GAUR EGUN, ERREPIDE BAZTERRETIK"

elebe
ileapaindegia

Solarium bertikala
Masaje lasaigarria
Ile-apaindegia
Estetizista

Iturritxo, 2 behe
ABADIÑO
Tel.: 946 550 105

ABADIÑO ESTANKOA

Iturritxo, 2B behe - 48220 Abadiño
Tel.: 946 201 385

Larrano
taberna

Tel.: 604 938 047